

# **DBS GROUP HOLDINGS LTD DAN ANAK-ANAK SYARIKATNYA**

RINGKASAN MAKLUMAT KEWANGAN  
*Bagi tahun berakhir 31 Disember 2020*

Ringkasan maklumat kewangan hanya mengandungi ringkasan maklumat bagi penyata kewangan lengkap DBS Group Holdings Ltd dan anak-anak syarikatnya (Kumpulan) dan DBS Bank Ltd. (Bank). Ini mungkin tidak mengandungi maklumat yang mencukupi untuk memahami sepenuhnya tentang hasil dan hal ehwal Kumpulan dan Bank. Untuk maklumat lanjut, sila rujuk penyata kewangan lengkap yang telah diaudit, laporan para juru audit dan laporan para pengarah. Semua ini boleh didapati di laman web DBS – [www.dbs.com/investors](http://www.dbs.com/investors).

# Ringkasan Maklumat Kewangan

## Jadual Kandungan

---

### **DBSH Group Holdings Ltd dan anak-anak syarikatnya**

---

<b>Laporan Juruaudit</b>	3
--------------------------	---

#### **Penyata Kewangan**

Penyata Pendapatan yang Disatukan Setelah Audit	12
Penyata Pendapatan Komprehensif yang Disatukan Setelah Audit	13
Kunci Kira-kira yang Disatukan Setelah Audit	14
Penyata Perubahan Ekuiti yang Disatukan Setelah Audit	15
Penyata Aliran Tunai yang Disatukan Setelah Audit	16

#### **Maklumat lain**

1. Kecukupan Modal	18
2. Dividen	18

---

### **DBS Bank Ltd.**

---

#### **Penyata Kewangan**

Penyata Pendapatan DBS Bank Ltd.	19
Penyata Pendapatan Komprehensif DBS Bank Ltd.	20
Kunci Kira-kira DBS Bank Ltd.	21

#### **Maklumat lain**

1. Kecukupan Modal DBS Bank Ltd. dan anak-anak syarikatnya	22
--	----

# LAPORAN JURUAUDIT BEBAS KEPADA ANGGOTA DBS GROUP HOLDINGS LTD

---

## Laporan mengenai Audit Penyata Kewangan

---

### Pendapat kami

Pada pendapat kami, penyata kewangan DBS Group Holdings Ltd ("Syarikat") dan anak-anak syarikatnya ("Kumpulan") yang disatukan dan kunci kira-kira Syarikat yang dilampirkan telah disiapkan dengan betul berlandaskan peruntukan Akta Syarikat, Bab 50 ("Akta") dan Piawaian Laporan Kewangan Singapura (Antarabangsa) ("SFRS (I)") untuk memberi gambaran yang betul dan saksama mengenai kedudukan kewangan Kumpulan yang disatukan dan kedudukan kewangan Syarikat pada 31 Disember 2020 dan prestasi kewangan yang disatukan, perubahan dalam ekuiti yang disatukan dan aliran tunai Kumpulan yang disatukan bagi tahun kewangan yang berakhir pada tarikh tersebut.

### Perkara yang kami telah audit

Penyata kewangan Syarikat dan Kumpulan merangkumi:

- penyata pendapatan Kumpulan yang disatukan bagi tahun berakhir 31 Disember 2020;
- penyata pendapatan komprehensif Kumpulan yang disatukan bagi tahun berakhir 31 Disember 2020;
- kunci kira-kira Kumpulan dan Syarikat pada 31 Disember 2020;
- penyata perubahan ekuiti Kumpulan yang disatukan bagi tahun berakhir pada tarikh tersebut;
- penyata aliran tunai Kumpulan yang disatukan bagi tahun berakhir pada tarikh tersebut; dan
- nota bagi penyata kewangan, termasuk ringkasan dasar perakaunan penting.

### Asas bagi pendapat

Kami menjalankan audit kami mengikut Piawaian Pengauditan Singapura ("SSA"). Tanggungjawab kami di bawah standard tersebut dihuraikan dengan lebih lanjut dalam seksyen *Tanggungjawab Juruaudit untuk Mengaudit Penyata Kewangan* dalam laporan kami.

Kami percaya bahawa bukti pengauditan yang kami peroleh adalah mencukupi dan bersesuaian untuk dijadikan asas bagi pendapat kami.

### Kebebasan

Kami bebas daripada Kumpulan menurut Kod Perlakuan dan Etika Profesional bagi Akauntan Awam dan Entiti Perakaunan ("Kod ACRA") yang ditetapkan oleh Penguasa Kawal Selia Perakaunan dan Korporat di samping keperluan etika yang berkaitan dengan audit penyata kewangan kami di Singapura dan kami telah memenuhi tanggungjawab etika kami yang lain berlandaskan keperluan ini dan Kod ACRA.

## Pendekatan audit kami

### Gambaran Keseluruhan

#### Kematanan

- Kami menetapkan kematanan Kumpulan keseluruhan berdasarkan 5% keuntungan sebelum cukai Kumpulan.

#### Penyelidikan Kumpulan

- Prosedur audit skop lengkap telah dilaksanakan ke atas Operasi Singapura DBS Bank Ltd. dan DBS Bank (Hong Kong) Limited ("komponen ketara").
- Kami mengenal pasti DBS Bank Ltd. Cawangan Hong Kong, Taipei dan Seoul, DBS Bank (China) Limited, PT Bank DBS Indonesia, DBS Bank (Taiwan) Ltd dan DBS Bank India Limited sebagai entiti komponen di mana baki akaun tertentu dianggap sebagai ketara dari segi saiz berhubung dengan Kumpulan ("komponen lain"). Sehubungan dengan itu, prosedur audit khusus untuk baki akaun ketara komponen-komponen ini telah dilaksanakan untuk mendapatkan bukti audit yang memadai dengan sewajarnya.

#### Perkara audit yang penting

- Peruntukan khusus bagi pinjaman dan pendahuluan kepada pelanggan
- Peruntukan umum bagi kerugian kredit (Kerugian Kredit Peringkat 1 dan 2 yang Dijangkakan)
- Muhibah
- Penilaian instrumen kewangan yang dipegang pada nilai saksama

Sebagai sebahagian daripada usaha mereka bentuk audit kami, kami menetapkan kematanan dan mentaksir risiko salah nyata yang matan dalam penyata kewangan yang disertakan. Khususnya, kami mempertimbangkan di mana pihak pengurusan membuat pertimbangan subjektif; sebagai contoh, berkenaan dengan anggaran perakaunan ketara yang melibatkan usaha membuat andaian dan mempertimbangkan peristiwa masa hadapan yang hakikatnya tidak pasti. Sama seperti dalam semua audit kami, kami turut menangani risiko pihak pengurusan mengatasi kawalan dalaman, termasuk antara lain, pertimbangan tentang sama ada terdapat bukti bahawa berlaku berat sebelah yang menampilkan risiko salah nyata matan disebabkan oleh penipuan.

#### Kematanan

Skop audit kami dipengaruhi oleh penggunaan konsep kematanan kami. Audit direka untuk memperolehi jaminan yang munasabah sama ada penyata kewangan yang disatukan itu adalah bebas daripada salah nyata yang matan. Salah nyata mungkin timbul disebabkan oleh penipuan atau kesilapan. Salah nyata dianggap matan jika secara individu atau agregat, ini dijangkakan boleh mempengaruhi keputusan ekonomi pengguna yang dibuat berdasarkan penyata kewangan yang disatukan.

Berdasarkan pertimbangan profesional kami, kami menentukan ambang kuantitatif tertentu bagi kematanan, termasuk kematanan kumpulan secara keseluruhan bagi penyata kewangan yang disatukan secara keseluruhan sebagaimana yang dibentangkan dalam jadual di bawah. Ini, bersama dengan pertimbangan kualitatif, membantu kami menentukan skop audit kami dan sifatnya, masa serta takat prosedur audit kami dan untuk menilai kesan salah nyata, secara individu dan pada penyata kewangan secara keseluruhan.

Bagaimana kami menentukan kematanan Kumpulan secara keseluruhan	5% daripada untung sebelum cukai Kumpulan
Rasional bagi penanda aras yang digunakan	<ul style="list-style-type: none"> <li>• Kami memilih ‘untung sebelum cukai’ kerana pada pendapat kami, ini ialah penanda aras yang paling lazim digunakan bagi mengukur prestasi Kumpulan.</li> <li>• Kami telah memilih 5% berdasarkan pertimbangan profesional kami, dengan mengambil kira bahawa ini juga dalam lingkungan ambang berkaitan keuntungan yang lazim diterima.</li> </ul>

Dalam melaksanakan audit kami, kami memperuntukkan tahap kematanan kepada komponen-komponen ketara Kumpulan. Ini adalah kurang daripada kematanan keseluruhan Kumpulan.

#### **Bagaimana kami membangunkan skop audit**

Kami menyesuaikan skop audit kami untuk melaksanakan kerja yang secukupnya untuk membolehkan kami memberi pendapat mengenai penyata kewangan secara keseluruhan, dengan mengambil kira struktur Kumpulan, proses dan kawalan perakaunan, dan industri yang meliputi operasi Kumpulan. Proses laporan kewangan Kumpulan bergantung pada sistem Teknologi Maklumat (“IT”). Skop audit kami termasuk menguji keberkesanan operasi kawalan ke atas integriti data kewangan utama yang diproses melalui sistem IT yang relevan dengan pelaporan kewangan.

Dalam mewujudkan pendekatan audit Kumpulan secara keseluruhan, kami menentukan tahap prosedur audit kami yang perlu dilaksanakan di seluruh Kumpulan oleh kami atau yang perlu dilaksanakan oleh firma rangkaian PwC lain yang beroperasi di bawah arahan kami, yang biasa dengan undang-undang dan peraturan tempatan di setiap wilayah ini (“juruaudit komponen”). Apabila kerja dilaksanakan oleh juruaudit komponen, kami menentukan tahap penglibatan yang kami perlu ada dalam prosedur ini agar dapat membuat kesimpulan sama ada bukti audit sewajarnya dan secukupnya telah diperolehi sebagai asas bagi pendapat kami mengenai penyata kewangan secara keseluruhan.

## Perkara audit utama

Perkara audit utama ialah perkara yang, menurut pertimbangan profesional kami adalah paling penting dalam audit kami bagi penyata kewangan bagi tahun berakhir 31 Disember 2020. Perkara ini ditangani dalam konteks audit kami bagi penyata kewangan secara keseluruhan, dan dalam membentuk pendapat kami tentang perkara ini seterusnya dan kami tidak memberi pendapat yang berasingan mengenai perkara-perkara ini.

Perkara audit utama	Bagaimana audit kami menangani perkara audit utama
<p><b>Peruntukan khusus bagi pinjaman dan pendahuluan kepada pelanggan</b></p> <p>Pada 31 Disember 2020, peruntukan khusus bagi pinjaman dan pendahuluan kepada pelanggan Kumpulan ialah \$2,692 juta, sebahagian besarnya berkaitan dengan para pelanggan Kumpulan Perbankan Institusi ("IBG"). Elaun tertentu merujuk kepada elaun kerugian bagi pendedahan kredit rosot nilai (iaitu Peringkat 3, bagi setiap SFRS (I) 9). Kerugian Kredit yang Dijangkakan ("ECL") ke atas pendedahan bukan rosot nilai (iaitu Peringkat 1 dan Peringkat 2) ditetapkan di bawah perkara audit utama 'Peruntukan umum bagi kerugian kredit'.</p> <p>Kami memberi tumpuan pada bidang ini kerana pertimbangan subjektif oleh pihak pengurusan dalam menentukan keperluan untuk, dan menganggarkan saiz bagi, peruntukan berbanding pinjaman dan pendahuluan.</p> <p>Khususnya, kami memberi tumpuan pada peruntukan khusus bagi pinjaman dan pendahuluan kepada pelanggan IBG kerana sebarang pentaksiran kemerosotan nilai, hakikatnya, bersifat subjektif dan melibatkan pertimbangan yang ketara meliputi masa pengiktirafan sebarang kemerosotan nilai dan juga anggaran saiz kemerosotan nilai tersebut. Ini termasuk:</p> <ul style="list-style-type: none"><li>• andaian utama yang menjadi asas pengiraan peruntukan khusus bagi pinjaman dan pendahuluan kepada pelanggan IBG di mana terdapat bukti kemerosotan nilai kerugian (termasuk keuntungan pada masa hadapan bagi peminjam dan jangkaan nilai yang boleh direalisasikan daripada cagaran yang dipegang); dan</li><li>• klasifikasi pinjaman dan pendahuluan selaras dengan MAS Notis 612 ("MAS 612").</li></ul> <p>Kami mempertimbangkan pemilihan sampel yang difokuskan kepada peminjam dengan pendedahan kepada sektor-sektor tertentu memandangkan risiko kredit yang semakin meningkat dan kesan pandemik Covid-19 yang boleh menjejaskan beberapa bahagian portfolio.</p> <p>(Juga rujuk kepada Nota 3 dan 18 pada penyata kewangan.)</p>	<p>Kami telah menilai reka bentuk serta keberkesanan operasi kawalan yang meliputi peruntukan khusus bagi pinjaman dan pendahuluan kepada para pelanggan IBG. Kawalan ini termasuk:</p> <ul style="list-style-type: none"><li>• pemantauan risiko kredit oleh Jawatankuasa Risiko Kredit;</li><li>• penilaian semula pengurusan risiko kredit yang tepat pada masanya;</li><li>• mengenal pasti senarai amatan (watch-list) dan proses pemantauan;</li><li>• mengenal pasti peristiwa kemerosotan nilai yang tepat pada masanya;</li><li>• pengelasan pinjaman dan pendahuluan selaras dengan MAS 612; dan</li><li>• proses pemantauan dan penilaian cagaran.</li></ul> <p>Kami memutuskan bahawa kami boleh mempercayai kawalan-kawalan ini bagi tujuan audit kami.</p> <p>Kami telah memeriksa satu sampel pinjaman dan pendahuluan kepada pelanggan IBG untuk menilai sama ada pengelasan pinjaman dan pendahuluan adalah berlandaskan MAS 612 dan, di mana terdapat bukti kerugian kemerosotan nilai, sama ada ia telah dikenal pasti tepat pada masanya. Ini termasuk, di mana berkaitan, bagaimana toleransi telah diambil kira, dengan tumpuan khusus pada kesan Covid-19.</p> <p>Di mana kemerosotan nilai telah dikenal pasti untuk sampel pinjaman dan pendahuluan, tugas kami termasuk:</p> <ul style="list-style-type: none"><li>• mempertimbangkan perkembangan terkini berhubung dengan peminjam;</li><li>• memeriksa ramalan aliran tunai masa hadapan yang disediakan oleh pihak pengurusan, termasuk andaian utama berhubung dengan jumlah dan masa pemulihan;</li><li>• membandingkan penilaian cagaran dan sumber lain pembayaran semula untuk menyokong pengiraan kemerosotan nilai berbanding dengan bukti luar, jika ada, termasuk laporan penilaian bebas;</li><li>• mencabar andaian pihak pengurusan; dan</li><li>• menguji pengiraan tersebut.</li></ul> <p>Bagi sampel pinjaman dan pendahuluan kepada para pelanggan IBG yang berfungsi yang belum dikenal pasti oleh pihak pengurusan sebagai rosot nilai, dengan mengambil kira perkembangan terkini berkaitan peminjam, kami mencabar andaian pengurusan tentang sama ada pengelasan pihak pengurusan bersesuaian, dengan menggunakan bukti luar yang berkenaan dengan peminjam yang berkaitan.</p> <p>Berdasarkan prosedur yang dilakukan, kami telah menilai bahawa elaun tertentu untuk pinjaman dan pendahuluan adalah sesuai.</p>

Perkara audit utama	Bagaimana audit kami menangani perkara audit utama
<p><b>Peruntukan umum bagi kerugian kredit (Kerugian Kredit Peringkat 1 dan 2 yang Dijangkakan)</b></p> <p>Instrumen Kewangan SFRS (I) 9 (“SFRS (I) 9”) memerlukan model kemerosotan nilai ECL yang mengambil kira maklumat yang berpandangan ke hadapan untuk mencerminkan kemungkinan peristiwa ekonomi masa depan. Dalam menganggarkan ECL dalam jangka masa yang akan datang, pertimbangan yang signifikan diperlukan. Selanjutnya, pandemik Covid-19 bermaksud andaian mengenai prospek ekonomi, dan impak seterusnya terhadap pelanggan Kumpulan, adalah tidak pasti, peningkatan tahap penilaian diperlukan.</p> <p>Kami memberi tumpuan pada pengukuran Kumpulan bagi peruntukan umum ke atas pendedahan yang tiada rosot nilai (\$4,312 juta). Ini merangkumi kedua-dua pendedahan ‘Peringkat 1’ (di mana tidak terdapat peningkatan ketara dalam risiko kredit), dan pendedahan ‘Peringkat 2’ (di mana peningkatan ketara dalam risiko kredit telah diperhatikan). Rangka kerja ECL yang dilaksanakan oleh Kumpulan melibatkan pertimbangan dan andaian yang ketara yang berkaitan dengan, antara lain:</p> <ul style="list-style-type: none"> <li>• pelarasan kepada model dan parameter kredit Basel Kumpulan;</li> <li>• penggunaan maklumat berpandangan ke hadapan dan makroekonomi;</li> <li>• anggaran bagi kemudahan kredit pusingan jangka hayat yang dianggarkan;</li> <li>• penilaian peningkatan ketara dalam risiko kredit; dan</li> <li>• pelarasan pasca model untuk mengambil kira batasan dalam model ECL, sebagai contoh risiko kepada portfolio kredit daripada pandemik Covid-19 semasa.</li> </ul> <p>(Juga rujuk kepada Nota 3 dan 11 bagi penyata kewangan.)</p>	<p>Kami secara kritis menilai andaian dan anggaran yang dibuat oleh pihak pengurusan berkaitan dengan ECL Peringkat 1 dan Peringkat 2 untuk portfolio runcit dan bukan runcit pada 31 Disember 2020. Ini termasuk penilaian penghalusan dari segi metodologi yang dibuat dalam tahun tersebut.</p> <p>Kami menguji reka bentuk dan keberkesanan operasi kawalan utama yang memberi tumpuan kepada:</p> <ul style="list-style-type: none"> <li>• penglibatan jawatankuasa tadbir urus, dalam mengkaji dan meluluskan andaian makroekonomi tertentu yang berpandangan ke hadapan, termasuk pelarasan pasca model yang mencerminkan ketidakpastian yang belum pernah terjadi sebelumnya dan lebih tinggi dalam prospek kredit akibat Covid-19;</li> <li>• kesempurnaan dan ketepatan input data luaran dan dalaman ke dalam pengiraan ECL; dan</li> <li>• ketepatan dan ketepatan masa peruntukan pendedahan ke dalam Tahap 1 dan Tahap 2 berdasarkan pencetus kuantitatif dan kualitatif.</li> </ul> <p>Pakar dalaman Kumpulan terus melakukan pengesahan model secara bebas daripada aspek terpilih metodologi dan andaian ECL Kumpulan setiap tahun. Kami menyemak hasil daripada kerja ini sebagai sebahagian daripada tugas kami.</p> <p>Kami juga melibatkan pakar-pakar untuk menyemak ECL portfolio kredit yang terpilih untuk menilai sama ada metodologi dan andaian adalah wajar.</p> <p>Sepanjang perjalanan tugas kami, kami mencabar rasional dan asas pengiraan pelarasan pasca model. Kami juga menilai kewajaran input ekonomi berpandangan ke hadapan tertentu, dan juga keluaran ECL keseluruhan, berdasarkan keadaan kredit yang mungkin timbul akibat kesan Covid-19.</p> <p>Secara keseluruhan, kami membuat kesimpulan bahawa ECL Kumpulan mengenai pendedahan bukan kemerosotan nilai adalah wajar.</p>

Perkara audit utama	Bagaimana audit kami menangani perkara audit utama
<p><b>Muhibah</b></p> <p>Setakat 31 Disember 2020, Kumpulan mempunyai sebanyak \$5,323 juta muhibah hasil daripada pengambilalihan.</p> <p>Kami memberi tumpuan kepada bidang ini memandangkan pihak pengurusan membuat pertimbangan yang ketara dalam menganggarkan aliran tunai masa hadapan dalam menjalankan penilaian rosot nilai muhibah tahunannya.</p> <p>Andaian utama yang digunakan dalam analisis aliran tunai terdiskaun berkaitan dengan:</p> <ul style="list-style-type: none"> <li>• ramalan aliran tunai;</li> <li>• kadar diskaun; dan</li> <li>• kadar pertumbuhan jangka panjang.</li> </ul> <p>(Juga rujuk kepada Nota 3 dan 27 bagi penyata kewangan.)</p>	<p>Kami menilai kesesuaian mengenal pasti pihak pengurusan bagi unit penajaan tunai Kumpulan dan proses yang mana penunjuk kemerosotan nilai telah dikenal pasti.</p> <p>Sepanjang tahun ini, Kumpulan mencatatkan muhibah sebanyak \$153 juta berikutan pengambilalihan Lakshmi Vilas Bank. Jumlah ini adalah berdasarkan pada anggaran sementara nilai saksama aset dan liabiliti yang diperolehi dan mungkin berubah ketika Kumpulan memperbaiki anggarannya pada tahun 2021. Kami telah mengkaji dan menilai asas pengiraan jumlah ini pada 31 Disember 2020.</p> <p>Bagi francais DBS Bank (Hong Kong) Limited (muhibah sebanyak \$4,631 juta setakat 31 Disember 2020), kami menilai ramalan aliran tunai pihak pengurusan dan proses yang mana ia telah dibangunkan. Bersama-sama dengan pakar penilaian dalam pasukan kami, kami menilai kadar diskaun dan andaian kadar pertumbuhan terhadap prestasi sejarah Kumpulan sendiri dan industri luaran dan penunjuk ekonomi yang ada.</p> <p>Kami menilai semula analisis sensitiviti pihak pengurusan atas andaian utama untuk menentukan sama ada apa-apa perubahan yang munasabah dalam andaian ini akan menyebabkan kemerosotan nilai, dan juga melakukan analisis tekanan kami sendiri berdasarkan pada situasi di Hong Kong dan mempertimbangkan tinjauan pasaran memandangkan pandemik Covid-19 semasa.</p> <p>Kami bersetuju dengan penilaian pihak pengurusan bahawa baki muhibah tidak rosot nilai setakat 31 Disember 2020.</p>



Perkara audit utama	Bagaimana audit kami menangani perkara audit utama
<p><b>Penilaian instrumen kewangan yang dipegang pada nilai saksama</b></p> <p>Instrumen kewangan yang dipegang oleh Kumpulan pada nilai saksama termasuk aset dan liabiliti derivatif, sekuriti dagangan, instrumen hutang tertentu dan aset dan liabiliti lain yang ditetapkan pada nilai saksama.</p> <p>Instrumen kewangan Kumpulan didominasi dengan menggunakan harga pasaran disebut harga ('Tahap 1') atau harga pasaran yang boleh dilihat ('Tahap 2'). Penilaian instrumen 'Tahap 3' bergantung pada input yang tidak dapat dilihat dengan ketara.</p> <p>Kami menganggap penilaian keseluruhan instrumen kewangan (Tahap 1, 2 dan 3) sebagai perkara utama audit yang memberi kepentingan kewangan kepada Kumpulan, sifat produk asas dan anggaran yang terlibat untuk menentukan nilai saksama.</p> <p>Dalam menentukan nilai saksama, pihak pengurusan juga membuat pelarasan untuk mengenal pasti risiko kredit, kos pembiayaan, sebaran tawaran bida dan dalam beberapa kes, parameter dan batasan risiko model. Ini secara meluas adalah selaras dengan industri perbankan, walaupun metodologi untuk mengira beberapa penyesuaian ini terus berubah.</p> <p>(Juga rujuk kepada Nota 3 dan 41 bagi penyata kewangan.)</p>	<p>Kami menilai reka bentuk dan menguji keberkesanan operasi kawalan ke atas proses penilaian instrumen kewangan Kumpulan. Ini termasuk kawalan ke atas:</p> <ul style="list-style-type: none"> <li>• pengujian dan kelulusan pengurusan bagi model baru dan pengesahan semula model sedia ada;</li> <li>• kesempurnaan dan ketepatan input data harga ke dalam model penilaian;</li> <li>• pemantauan pertikaian cagaran; dan</li> <li>• mekanisme tadbir urus dan pemantauan ke atas proses penilaian (termasuk pelarasan penilaian derivatif) oleh Jawatankuasa Risiko Pasaran Kumpulan dan Risiko Kecairan dan Jawatankuasa Penilaian Kumpulan.</li> </ul> <p>Kami memutuskan bahawa kami boleh mempercayai kawalan-kawalan ini bagi tujuan audit kami. Selain itu, kami:</p> <ul style="list-style-type: none"> <li>• melibatkan pakar kami sendiri untuk menggunakan model dan sumber input mereka sendiri untuk menentukan taksiran bebas nilai saksama untuk sampel instrumen kewangan Tahap 1 dan Tahap 2 Kumpulan. Kami membandingkannya dengan pengiraan nilai saksama Kumpulan untuk menilai perbezaan penilaian matan individu atau berat sebelah sistemik;</li> <li>• menilai kewajaran metodologi yang digunakan dan andaian yang dibuat bagi sampel penilaian instrumen kewangan dengan input penilaian yang tidak dapat diperhatikan dengan ketara (instrumen Tahap 3);</li> <li>• melakukan prosedur mengenai pertikaian cagaran untuk mengenal pasti petunjuk yang berkemungkinan bagi penilaian yang tidak sesuai; dan</li> <li>• melakukan ujian input dan menilai metodologi ke atas pelarasan nilai saksama, berdasarkan data pasaran yang ada dan trend industri.</li> <li>• mempertimbangkan implikasi pembaharuan global terhadap Kadar Rujukan Faedah ("IBOR Reform") dalam penilaian nilai saksama kami.</li> </ul> <p>Secara keseluruhannya, kami menganggap bahawa penilaian instrumen kewangan yang dipegang pada nilai saksama adalah dalam jangkauan hasil yang munasabah.</p>

## Maklumat Lain

Pihak pengurusan bertanggungjawab untuk maklumat lain. Maklumat lain merangkumi Laporan Para Pengarah (tetapi tidak termasuk penyata kewangan dan laporan juruaudit kami mengenainya), yang kami peroleh sebelum tarikh laporan juruaudit ini, dan seksyen lain Laporan Tahunan ("Seksyen Lain") yang dijangka akan diberi kepada kami selepas tarikh tersebut.

Pendapat kami mengenai penyata kewangan ini tidak meliputi maklumat lain dan kami tidak dan tidak akan melahirkan sebarang bentuk kesimpulan jaminan mengenainya.

Berhubung audit penyata kewangan kami, kami bertanggungjawab untuk membaca maklumat lain yang dikenal pasti di atas dan, dalam melakukan demikian, mempertimbangkan sama ada maklumat lain tersebut tidak konsisten secara matan dengan penyata kewangan atau pengetahuan yang kami peroleh dalam audit ini, atau sebaliknya kelihatan sebagai disalah nyata secara matan.

Jika, berdasarkan kerja yang kami telah laksanakan ke atas maklumat lain yang kami peroleh sebelum tarikh laporan audit ini, kami membuat kesimpulan bahawa terdapat salah nyata yang matan tentang maklumat lain ini, kami perlu melaporkan fakta ini. Dalam hal ini, tiada apa-apa yang perlu kami laporkan.

Apabila kami membaca Seksyen Lain, jika kami memutuskan bahawa terdapat salah nyata matan di dalamnya, kami dikehendaki menyampaikan perkara ini kepada mereka yang dipertanggungjawabkan dengan tadbir urus dan mengambil tindakan yang sewajarnya menurut SSA.

## Tanggungjawab Pengurusan dan Para Pengarah terhadap Penyata Kewangan

Pihak pengurusan bertanggungjawab untuk menyiapkan penyata-penyata kewangan yang memberi gambaran yang betul dan saksama menurut peruntukan Akta dan SFRS(I) dan bagi melakar dan mengekalkan satu sistem kawalan perakaunan dalaman yang memadai untuk menyediakan jaminan munasabah bahawa aset-aset dilindungi daripada kerugian akibat penggunaan atau pelupusan yang tidak dibenarkan dan transaksi-transaksi diberi kebenaran dengan betul dan bahawa ia telah direkodkan sewajarnya bagi membolehkan persiapan penyata-penyata kewangan yang betul dan saksama dan bagi mengekalkan akauntabiliti aset.

Dalam menyediakan penyata kewangan ini, pihak pengurusan bertanggungjawab untuk menilai keupayaan Kumpulan untuk meneruskan atas dasar usaha berterusan, dengan mendedahkan, mengikut keperluan, hal-ehwal yang berkaitan dengan usaha berterusan dan menggunakan perakaunan usaha berterusan melainkan pihak pengurusan sama ada berhasrat untuk membubarkan Kumpulan atau untuk menghentikan operasi, atau tiada alternatif realistik lain melainkan untuk berbuat demikian.

Tanggungjawab para pengarah termasuk memantau proses pelaporan kewangan Kumpulan.

## Tanggungjawab Juruaudit ke atas Audit Penyata Kewangan

Objektif kami adalah untuk memperoleh jaminan yang munasabah mengenai sama ada penyata kewangan secara keseluruhan bebas daripada salah nyata matan, sama ada disebabkan oleh penipuan atau kesilapan dan untuk mengeluarkan laporan juruaudit yang merangkumi pendapat kami. Jaminan yang munasabah ialah jaminan tahap tinggi tetapi bukan jaminan bahawa audit yang dikendalikan menurut SSA akan sentiasa mengesan salah nyata matan jika ada. Salah nyata boleh berpunca daripada penipuan atau kesilapan dan disifatkan sebagai matan jika, secara individu atau agregat, ini secara munasabah dijangka akan mempengaruhi keputusan ekonomi yang dibuat oleh pengguna berdasarkan penyata kewangan ini.

Sebagai sebahagian daripada audit berlandaskan SSA, kami melaksanakan pertimbangan profesional dan mengekalkan skeptisisme profesional sepanjang audit ini. Kami juga:

- Mengenal pasti dan menilai risiko salah nyata matan dalam penyata kewangan, sama ada disebabkan oleh penipuan atau kesilapan, membentuk dan melaksanakan prosedur audit yang responsif terhadap risiko-risiko ini dan mendapatkan bukti audit yang memadai dan bersesuaian untuk menjadi asas bagi pendapat kami. Risiko tidak mengesan salah nyata yang matan yang disebabkan oleh penipuan adalah lebih tinggi daripada yang terhasil daripada kesilapan, kerana penipuan mungkin melibatkan pakatan sulit, pemalsuan, pengabaian dengan sengaja, salah representasi, atau tindakan mengatasi kawalan dalaman.
- Memahami kawalan dalaman yang berkaitan dengan audit untuk membentuk prosedur audit yang bersesuaian mengikut keadaan, tetapi bukan bagi tujuan melahirkan pendapat tentang keberkesanan kawalan dalaman Kumpulan.
- Menilai kesesuaian dasar perakaunan yang digunakan dan kemunasabahan anggaran perakaunan dan pendedahan yang berkaitan yang dibuat oleh pihak pengurusan.
- Membuat kesimpulan tentang kewajaran penggunaan asas perakaunan usaha berterusan oleh pihak pengurusan dan, berdasarkan bukti audit yang diperolehi, sama ada terdapat ketidakpastian yang matan berhubung keadaan yang mungkin menimbulkan kesangsian yang ketara tentang keupayaan Kumpulan untuk meneruskan operasi atas dasar usaha berterusan. Jika kami memutuskan bahawa terdapat ketidakpastian matan, kami dikehendaki menarik perhatian dalam laporan juruaudit kami kepada pendedahan yang berkaitan dalam penyata kewangan tersebut atau, jika pendedahan tersebut tidak memadai, untuk mengubah pendapat kami. Kesimpulan kami adalah berdasarkan bukti audit yang diperolehi setakat tarikh laporan audit kami. Walau bagaimanapun, peristiwa atau keadaan masa hadapan boleh menyebabkan Kumpulan berhenti wujud sebagai usaha berterusan.
- Menilai pembentangan, struktur dan kandungan penyata kewangan secara keseluruhan, termasuk pendedahan, dan sama ada penyata kewangan membentangkan transaksi dan peristiwa asas dalam cara yang memenuhi keperluan pembentangan yang saksama.
- Memperolehi bukti audit yang sewajarnya berhubung maklumat kewangan bagi entiti atau aktiviti perniagaan Kumpulan bagi melahirkan pendapat tentang penyata kewangan yang disatukan ini. Kami bertanggungjawab untuk hala tuju, penyeliaan dan pelaksanaan audit Kumpulan ini. Kami bertanggungjawab sepenuhnya ke atas pendapat audit kami.

Kami menyampaikan kepada para pengarah tentang, antara lain, skop dan masa audit yang dirancang serta penemuan audit yang penting, termasuk sebarang kekurangan yang ketara dalam kawalan dalaman yang kami kenal pasti semasa audit kami.

Kami juga menyediakan kepada para pengarah pernyataan bahawa kami telah mematuhi keperluan etika yang relevan berhubung kebebasan, dan memaklumkan kepada mereka tentang semua perhubungan dan hal-ehwal yang secara munasabah difikirkan sebagai mempersoalkan kebebasan kami, dan di mana berkenaan, perlindungan yang berkaitan.

Daripada perkara-perkara yang disampaikan kepada para pengarah, kami menentukan perkara yang paling penting dalam audit penyata kewangan dalam tempoh semasa dan sehubungan dengan itu hal-ehwal audit penting. Kami menghuraikan perkara ini dalam laporan juruaudit kami melainkkan undang-undang atau peraturan mengecualikan pendedahan tentang hal-ehwal ini kepada awam atau apabila, dalam keadaan ekstrem yang jarang berlaku, kami menentukan bahawa perkara ini tidak sepatutnya disampaikan dalam laporan kami kerana akibat berbuat demikian secara munasabah dijangka lebih menjejaskan daripada memanfaatkan kepentingan awam.

### **Laporan mengenai Keperluan Undang-undang dan Kawal Selia Yang Lain**

Pada pandangan kami, rekod-rekod perakaunan dan lain-lain yang diperlukan oleh Akta untuk disimpan oleh Syarikat dan anak-anak syarikat yang diperbadankan di Singapura, di mana kami merupakan juruauditnya, telah disimpan dengan baik mengikut peruntukan Akta.

Rakan kongsi yang terlibat dalam audit ini sehingga terhasilnya laporan juruaudit bebas ini ialah Antony Eldridge.



#### **PricewaterhouseCoopers LLP**

Public Accountants and Chartered Accountants

Singapore, 9 February 2021

# Penyata Pendapatan Yang Disatukan Setelah Audit

Bagi Tahun Berakhir 31 Disember 2020

Dalam juta \$	2020	2019
Pendapatan faedah	12,208	15,592
Perbelanjaan faedah	3,132	5,967
<b>Pendapatan faedah bersih</b>	<b>9,076</b>	9,625
Pendapatan yuran dan komisen bersih	3,058	3,052
Pendapatan perdagangan bersih	1,405	1,459
Pendapatan bersih daripada sekuriti pelaburan	963	334
Pendapatan lain	90	74
<b>Pendapatan bukan-faedah</b>	<b>5,516</b>	4,919
Jumlah pendapatan	<b>14,592</b>	14,544
Faedah kakitangan	3,550	3,514
Perbelanjaan lain	2,608	2,744
<b>Jumlah perbelanjaan</b>	<b>6,158</b>	6,258
<b>Untung sebelum peruntukan</b>	<b>8,434</b>	8,286
Peruntukan untuk kredit dan lain-lain kerugian	3,066	703
<b>Untung sebelum cukai</b>	<b>5,368</b>	7,583
Perbelanjaan cukai pendapatan	612	1,154
<b>Untung bersih</b>	<b>4,756</b>	6,429
Ditributkan kepada:		
<b>Para pemegang saham</b>	<b>4,721</b>	6,391
Kepentingan tanpa kawalan	35	38
	<b>4,756</b>	6,429
Perolehan asas dan cair per saham biasa (\$)	1.81	2.46

*Nota-nota merupakan bahagian penting bagi penyata kewangan ini*

# Penyata Pendapatan Komprehensif Yang Disatukan Setelah Audit

Bagi Tahun Berakhir 31 Disember 2020

Dalam juta \$	2020	2019
<b>Untung bersih</b>	<b>4,756</b>	6,429
<b>Pendapatan komprehensif lain:</b>		
<b>Perkara-Perkara yang boleh diklasifikasikan semula seterusnya kepada penyata pendapatan:</b>		
Perbezaan penterjemahan bagi operasi luar negara	(65)	(175)
Pendapatan komprehensif syarikat bersekutu yang lain	(11)	1
Keuntungan/ (kerugian) ke atas instrumen hutang diklasifikasikan pada nilai saksama melalui pendapatan komprehensif lain dan lain-lain	1,215	933
Penilaian bersih yang dibawa kepada ekuiti	(636)	(403)
Dipindahkan kepada penyata pendapatan	(41)	(58)
Cukai berkaitan dengan komponen pendapatan komprehensif yang lain		
<b>Perkara-Perkara yang tidak akan diklasifikasikan semula kepada penyata pendapatan:</b>		
Keuntungan/ (kerugian) ke atas instrumen ekuiti yang diklasifikasikan pada nilai saksama melalui pendapatan komprehensif lain (selepas cukai)	(225)	136
Perubahan nilai saksama daripada risiko kredit sendiri ke atas liabiliti kewangan yang dinyatakan pada nilai saksama (selepas cukai)	25	(63)
<b>Pendapatan komprehensif yang lain, selepas cukai</b>	<b>262</b>	371
<b>Jumlah pendapatan komprehensif</b>	<b>5,018</b>	6,800
Distributikan kepada:		
<b>Para pemegang saham</b>	<b>4,983</b>	6,761
Kepentingan tanpa kawalan	35	39
	<b>5,018</b>	6,800

*Nota-nota merupakan bahagian penting bagi penyata kewangan ini*

# Kunci Kira-kira Disatukan Setelah Audit

pada 31 Disember 2020

Dalam juta \$	2020	2019
<b>Aset</b>		
Tunai dan baki dengan bank pusat	50,618	26,362
Sekuriti kerajaan dan bil perbendaharaan	51,700	49,729
Penerimaan daripada bank	50,867	39,336
Derivatif	31,108	17,235
Bank dan sekuriti korporat	65,456	63,746
Pinjaman dan pendahuluan kepada pelanggan	371,171	357,884
Aset lain	19,495	15,424
Syarikat-syarikat bersekutu	862	835
Hartanah dan aset tetap lain	3,338	3,225
Muhibah dan aset tidak ketara	5,323	5,170
<b>Jumlah aset</b>	<b>649,938</b>	<b>578,946</b>
<b>Liabiliti</b>		
Terhutang kepada bank	28,220	23,773
Deposit dan baki daripada pelanggan	464,850	404,289
Derivatif	32,904	17,512
Liabiliti lain	22,074	20,907
Hutang sekuriti lain	43,277	57,128
Hutang berjangka bersubordinat	3,970	3,538
<b>Jumlah liabiliti</b>	<b>595,295</b>	<b>527,147</b>
<b>Aset bersih</b>	<b>54,643</b>	<b>51,799</b>
<b>Ekuiti</b>		
Modal saham	10,942	10,948
Instrumen ekuiti lain	3,401	2,009
Rizab lain	4,397	4,102
Rizab pendapatan	35,886	33,922
<b>Dana pemegang saham</b>	<b>54,626</b>	<b>50,981</b>
Kepentingan tanpa kawalan	17	818
<b>Jumlah Ekuiti</b>	<b>54,643</b>	<b>51,799</b>

*Nota-nota merupakan bahagian penting bagi penyata kewangan ini*

# Penyata Perubahan Ekuiti Disatukan Setelah Audit

Bagi Tahun Berakhir 31 Disember 2020

Dalam juta \$	Disifatkan kepada pemegang saham Syarikat				Dana pemegang saham	Kepentingan tanpa kawalan	Jumlah ekuiti
	Modal Saham	Instrumen ekuiti lain	Rizab lain	Rizab pendapatan			
<b>2020</b>							
Baki pada 1 Januari	10,948	2,009	4,102	33,922	50,981	818	51,799
Pembelian saham perbendaharaan	(447)	-	-	-	(447)	-	(447)
Cabutan ke bawah rizab atas pemberian kuasa prestasi saham	162	-	(164)	-	(2)	-	(2)
Terbitan sekuriti modal berterusan	-	1,392	-	-	1,392	-	1,392
Penebusan saham keutamaan yang dikeluarkan oleh anak syarikat	-	-	-	(1)	(1)	(799)	(800)
Kos bayaran berasaskan saham	-	-	131	-	131	-	131
Terbitan saham menurut Skim Dividen Skrip	279	-	-	(279)	-	-	-
Dividen dibayar kepada pemegang saham <sup>(a)</sup>	-	-	-	(2,411)	(2,411)	-	(2,411)
Dividen dibayar kepada kepentingan bukan kawalan	-	-	-	-	-	(38)	(38)
Perubahan pada kepentingan bukan kawalan	-	-	-	-	-	1	1
Jumlah pendapatan komprehensif	-	-	328	4,655	4,983	35	5,018
Baki pada 31 Disember	10,942	3,401	4,397	35,886	54,626	17	54,643
<b>2019</b>							
Baki pada 1 Januari	10,898	2,812	3,701	31,634	49,045	830	49,875
Kesan ke atas penggunaan SFRS(I) 16 pada 1 Januari	-	-	-	(95)	(95)	-	(95)
Baki pada 1 Januari selepas penggunaan SFRS(I) 16	10,898	2,812	3,701	31,539	48,950	830	49,780
Pembelian saham perbendaharaan	(114)	-	-	-	(114)	-	(114)
Cabutan ke bawah rizab atas pemberian kuasa prestasi saham	164	-	(164)	-	-	-	-
Kos bayaran berasaskan saham	-	-	120	-	120	-	120
Dividen dibayar kepada pemegang saham <sup>(a)</sup>	-	-	-	(3,931)	(3,931)	-	(3,931)
Dividen dibayar kepada kepentingan bukan kawalan	-	-	-	-	-	(38)	(38)
Pemerolehan kepentingan bukan kawalan	-	-	-	-	-	(13)	(13)
Penebusan sekuriti modal berterusan yang dikeluarkan oleh Syarikat	-	(803)	-	(2)	(805)	-	(805)
Jumlah pendapatan komprehensif	-	-	445	6,316	6,761	39	6,800
Baki pada 31 Disember	10,948	2,009	4,102	33,922	50,981	818	51,799

(a) Termasuk pengagihan yang dibayar pada sekuriti modal yang diklasifikasikan sebagai ekuiti (2020: \$100 juta, 2019: \$96 juta)

Nota-nota merupakan bahagian penting bagi penyata kewangan ini

# Penyata Aliran Tunai Yang Disatukan Setelah Audit

Bagi Tahun Berakhir 31 Disember 2020

Dalam juta \$	2020	2019
<b>Aliran tunai daripada aktiviti operasi</b>		
Untung sebelum cukai	5,368	7,583
<b>Pelarasan untuk perkara-perkara bukan-tunai dan lain-lain perkara-perkara:</b>		
Peruntukan untuk kerugian kredit dan lain-lain	3,066	703
Susut nilai hartanah dan aset tetap yang lain	648	609
Perkongsian keuntungan atau kerugian daripada syarikat-syarikat bersekutu	(61)	(50)
Kerugian bersih ke atas pelupusan, hapus kira bersih hartanah dan aset tetap yang lain	38	26
Pendapatan bersih daripada sekuriti pelaburan	(963)	(334)
Kos bayaran berasaskan saham	131	120
Perbelanjaan faedah ke atas hutang berjangka subordinat	64	76
Perbelanjaan faedah ke atas liabiliti pajakan	28	29
Untung sebelum perubahan dalam aset dan liabiliti operasi	8,319	8,762
<b>Kenaikan/ (Penyusutan) dalam:</b>		
Terhutang kepada bank	4,246	1,304
Deposit dan baki daripada pelanggan	57,164	10,908
Liabiliti lain	16,160	1,349
Sekuriti hutang dan pinjaman lain	(14,250)	11,492
<b>Kenaikan/ (Penyusutan) dalam:</b>		
Baki terhad dengan bank pusat	(1,818)	1,502
Sekuriti kerajaan dan bil perbendaharaan	(379)	(2,476)
Penerimaan daripada bank	(11,465)	678
Bank dan sekuriti korporat	(1,340)	(5,149)
Pinjaman dan pendahuluan kepada pelanggan	(13,460)	(14,269)
Aset lain	(17,108)	(2,280)
Cukai Dibayar	(1,188)	(635)
<b>Tunai bersih dijana daripada aktiviti operasi (1)</b>	<b>24,881</b>	<b>11,186</b>
<b>Aliran tunai daripada aktiviti pelaburan</b>		
Dividen daripada syarikat-syarikat bersekutu	31	29
Hasil daripada pelupusan kepentingan dalam syarikat-syarikat bersekutu	-	21
Hasil daripada pelupusan hartanah dan aset tetap lain	8	2
Pembelian hartanah dan aset tetap lain	(547)	(586)
Tunai dan kesetaraan tunai yang diperolehi daripada Lakshmi Vilas Bank	93	-
<b>Tunai bersih digunakan dalam aktiviti pelaburan (2)</b>	<b>(415)</b>	<b>(534)</b>



# Penyata Aliran Tunai Yang Disatukan Setelah Audit

Bagi Tahun Berakhir 31 Disember 2020

Dalam juta \$	2020	2019
<b>Aliran tunai daripada aktiviti pembiayaan</b>		
Terbitan sekuriti modal berterusan	1,392	-
Faedah yang dibayar ke atas hutang berjangka subordinat	(66)	(76)
Penebusan saham keutamaan yang dikeluarkan oleh anak syarikat	(800)	-
Penebusan sekuriti modal berterusan yang dikeluarkan oleh Syarikat	-	(805)
Pembelian saham perbendaharaan	(447)	(114)
Dividen dibayar kepada kepentingan bukan kawalan	(38)	(38)
Dividen dibayar kepada pemegang-pemegang saham Syarikat, setelah ditolak dividen skrip <sup>(a)</sup>	(2,411)	(3,931)
Perubahan pada kepentingan bukan kawalan	1	(13)
<b>Tunai bersih digunakan dalam aktiviti pembiayaan (3)</b>	<b>(2,369)</b>	<b>(4,977)</b>
Pertukaran pelarasan terjemahan (4)	170	39
<b>Perubahan bersih dalam tunai dan kesetaraan tunai (1)+(2)+(3)+(4)</b>	<b>22,267</b>	5,714
<b>Tunai dan kesetaraan tunai pada 1 Januari</b>	<b>19,935</b>	14,221
<b>Tunai dan kesetaraan tunai pada 31 Disember</b>	<b>42,202</b>	19,935

(a) Termasuk pengagihan yang dibayar ke atas sekuriti modal yang diklasifikasikan sebagai ekuiti

Nota-nota merupakan bahagian penting bagi penyata kewangan ini

## Maklumat Lain

### 1. Kecukupan Modal

Dalam juta \$	2020	2019
Modal Ekuiti Biasa Tingkat 1	44,786	42,870
Modal Tingkat 1	48,188	45,460
Jumlah modal	53,937	50,693
Aset Berwajaran Risiko	321,096	303,771
<b>Nisbah Kecukupan Modal<sup>(a)</sup> (%)</b>		
Ekuiti Biasa Tingkat 1	13.9	14.1
Tingkat 1	15.0	15.0
Jumlah	16.8	16.7

(a) Nisbah kecukupan modal Kumpulan tertakluk kepada penilaian jaminan terhad luaran, selaras dengan MAS Notis 609 "Laporan Juruaudit dan Maklumat Tambahan untuk diserahkan bersama Akaun Tahunan"

### 2. Dividen

Bagi tahun kewangan berakhir 31 Disember 2020, para Pengarah telah menyarankan dividen terakhir satu tingkat bebas cukai sebanyak 18 sen bagi setiap saham biasa DBSH ("FY20 Dividen Akhir") yang mana Skim Dividen Skrip DBSH akan digunakan, tertakluk kepada kelulusan para pemegang saham di Mesyuarat Agung Tahunan yang akan diadakan pada 30 Mac 2021.

Butir-butir dividen yang disarankan ini, berserta dividen interim yang telah dibayar semasa perjalanan tahun kewangan tersebut, adalah seperti berikut:

Dalam juta \$	2020*	2019
<b>Saham Biasa DBSH</b>		
Dividen interim satu tingkat bebas cukai sebanyak 69 sen (2019: 90 sen)	1,752	2,300
Dividen terakhir satu tingkat bebas cukai sebanyak 18 sen (2019: 33 sen)	459	838
	<b>2,211</b>	<b>3,138</b>

\* Pengurangan dividen bagi tahun 2020 sejajar dengan garis panduan MAS yang dikeluarkan pada 29 Julai 2020 bagi bank tempatan untuk mengurangkan dividen bagi tahun kewangan 2020.

# Penyata Pendapatan Setelah Audit

Bagi Tahun Berakhir 31 Disember 2020

Dalam juta \$	2020	Bank	2019
Pendapatan faedah	9,201		12,450
Perbelanjaan faedah	2,761		5,441
<b>Pendapatan faedah bersih</b>	<b>6,440</b>		7,009
Pendapatan yuran dan komisen bersih	2,140		2,114
Pendapatan perdagangan bersih	938		1,053
Pendapatan bersih daripada sekuriti pelaburan	858		306
Pendapatan lain	387		817
<b>Pendapatan bukan-faedah</b>	<b>4,323</b>		4,290
<b>Jumlah pendapatan</b>	<b>10,763</b>		11,299
Faedah kakitangan	2,177		2,242
Perbelanjaan lain	1,704		1,709
<b>Jumlah perbelanjaan</b>	<b>3,881</b>		3,951
<b>Untung sebelum peruntukan</b>	<b>6,882</b>		7,348
Peruntukan untuk kerugian kredit dan lain-lain	2,323		262
<b>Untung sebelum cukai</b>	<b>4,559</b>		7,086
Perbelanjaan cukai pendapatan	408		871
<b>Untung bersih diatribut kepada pemegang saham</b>	<b>4,151</b>		6,215

*Nota-nota merupakan bahagian penting bagi penyata kewangan ini*

# Penyata Pendapatan Komprehensif Setelah Audit

Bagi Tahun Berakhir 31 Disember 2020

	Bank	
Dalam juta \$	2020	2019
<b>Untung bersih</b>	<b>4,151</b>	6,215
<b>Pendapatan komprehensif lain:</b>		
<b>Perkara-Perkara yang boleh diklasifikasikan semula seterusnya kepada penyata pendapatan:</b>		
Perbezaan penterjemahan bagi operasi luar	(13)	(90)
Keuntungan/ (kerugian) ke atas instrumen hutang yang diklasifikasikan pada nilai saksama melalui pendapatan komprehensif lain dan lain-lain		
Penilaian bersih yang dibawa kepada ekuiti	879	705
Dipindahkan kepada penyata pendapatan	(478)	(321)
Cukai berkaitan dengan komponen pendapatan komprehensif yang lain	(10)	(35)
<b>Perkara-Perkara yang tidak akan diklasifikasikan semula kepada penyata pendapatan:</b>		
Keuntungan/ (kerugian) ke atas instrumen ekuiti yang diklasifikasikan pada nilai saksama melalui pendapatan komprehensif lain (selepas cukai)	(240)	120
Perubahan nilai saksama daripada risiko kredit sendiri ke atas liabiliti kewangan yang dinyatakan pada nilai saksama (selepas cukai)	25	(63)
<b>Pendapatan komprehensif lain, selepas cukai</b>	<b>163</b>	316
<b>Jumlah pendapatan komprehensif yang diatribut kepada pemegang saham</b>	<b>4,314</b>	6,531

*Nota-nota merupakan bahagian penting bagi penyata kewangan ini*

# Kunci Kira-kira Setelah Audit

pada 31 Disember 2020

Dalam juta \$	2020	Bank	2019
<b>Aset</b>			
Tunai dan baki dengan bank pusat	39,388		19,771
Sekuriti kerajaan dan bil perbendaharaan	36,682		37,142
Penerimaan daripada bank	44,643		33,933
Derivatif	27,959		15,255
Bank dan sekuriti korporat	59,944		59,560
Pinjaman dan pendahuluan kepada pelanggan	302,587		296,906
Aset lain	14,936		11,359
Syarikat-syarikat bersekutu	186		186
Anak-anak syarikat	31,860		31,967
Penerimaan daripada syarikat pegangan	911		-
Hartanah dan aset tetap lain	1,849		1,816
Muhibah dan aset tidak ketara	334		334
<b>Jumlah aset</b>	<b>561,279</b>		<b>508,229</b>
<b>Liabiliti</b>			
Terhutang kepada bank	23,586		18,712
Deposit dan baki daripada pelanggan	350,079		298,836
Derivatif	29,537		15,455
Liabiliti lain	16,800		15,113
Hutang sekuriti lain	38,081		51,041
Terhutang kepada syarikat pegangan	6,031		4,695
Terhutang kepada anak-anak syarikat	48,288		57,649
<b>Jumlah liabiliti</b>	<b>512,402</b>		<b>461,501</b>
<b>Aset bersih</b>	<b>48,877</b>		<b>46,728</b>
<b>Ekuiti</b>			
Modal saham	24,452		24,452
Instrumen ekuiti lain	4,209		2,813
Rizab lain	264		38
Rizab pendapatan	19,952		19,425
<b>Dana pemegang saham</b>	<b>48,877</b>		<b>46,728</b>
<b>Jumlah ekuiti</b>	<b>48,877</b>		<b>46,728</b>

*Nota-nota merupakan bahagian penting bagi penyata kewangan ini*

## Maklumat Lain

### 1. Kecukupan Modal DBS Bank Ltd. dan anak-anak syarikatnya

<b>Nisbah Kecukupan Modal (%)</b>	<b>2020</b>	<b>2019</b>
Ekuiti Biasa Tingkat 1	<b>13.8</b>	14.0
Tingkat 1	<b>15.1</b>	15.1
Jumlah	<b>16.9</b>	16.9